



Broj: 01-50-977/17
Sarajevo, 18.10.2017. godine

- INSTITUCIJE BOSNE I HERCEGOVINE

PREDMET: *Ovjera isprava po osnovu rada državnih službenika
mišljenje, dostavlja se.*

Agencija za državnu službu Bosne i Hercegovine susreće se već duže vrijeme sa problematikom ovjere različitih isprava, koje su državnim službenicima (i drugim zaposlenim) potrebne za ostvarivanje različitih obaveza nastalih po osnovu rada u institucijama, odnosno po osnovu radnog odnosa. Preciznije, problem se sastoji u ovjeri potpisa državnog službenika i u ovjeri prepisa - kopije isprava (najčešće se ovjeravaju kopije isprava koje se ulažu u personalni dosije, ali i druge kopije koje po različitim osnovama i iz različitih razloga državni službenik treba predati instituciji).

Agencija je najprije ovo pitanje razriješila posebnim propisom u pogledu određenih isprava, te je tako Instrukcijom o tekstu zakletve državnog službenika i obrascima koji se ulažu u personalni dosije državnog službenika („Službeni glasnik BiH“, broj 92/16), u članu 5. propisano da nakon potpisivanja obrasca teksta zakletve od strane državnog službenika, isti obrazac potpisom i pečatom institucije ovjerava ovlašteno lice jedinice za implementaciju Zakona o državnoj službi - član 60. Zakona o državnoj službi u institucijama Bosne i Hercegovine („Službeni glasnik BiH“, br. 12/02, 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10 i 40/12), ili drugo lice koje ovlasti rukovodilac institucije, što se takođe saglasno članu 10. primjenjuje i na druge izjave koje reguliše ovaj propis. Međutim, ovo pitanje je trebalo i generalno razriješiti, kako u pogledu različitih izjava koje moraju biti ovjerene, tako i u pitanju ovjere kopija, jer općinski organi i službe protivno zakonu (konkretno član 13. Zakona o administrativnim taksama, a norma istog ili sličnog sadržaja se nalazi u zakonim drugih upravnih nivoa), naplaćuju administrativne takse državnim službenicima i zaposlenicima unatoč tome što je svrha takvih isprava ostvarivanje prava iz radnog odnosa, te bi iste trebale biti oslobođene od plaćanja različitih taksi.

S tim u vezi, nakon sagledavanja stanja propisa, došlo se do sljedećih zaključaka:

Uputstvom o načinu vršenja uredskog poslovanja u institucijama Bosne i Hercegovine ("Službeni glasnik BiH", br. 30/15, 6/16 i 52/16), u članu 96. propisano je da se izdavanje prijepisa akata, isprava, uvjerenja, potvrda i drugih akata koji se nalaze u arhivi, na zahtjev zainteresiranih lica, vrši se u skladu s odredbama Zakona o upravnom postupku odnosno odredbama propisa o ovjeri potpisa, rukopisa i prijepisa (stav 1.), pri čemu ovjeravanje potpisa i prijepisa isprava potrebnih za ostvarivanje prava iz radnog odnosa ili u vezi s radom zaposlenih u institucijama vrši ovlašteno lice institucije (stav 2.).

Što se tiče propisa o ovjeri potpisa, rukopisa i prepisa, u pitanju je Zakon o ovjeri potpisa, rukopisa i prepisa ("Službeni list SR BiH", br. 37/71, 39/75 i 42/89) i Uputstvo za izvršenje Zakona o ovjeravanju potpisa, rukopisa i prepisa ("Službeni list SR BiH", broj 8/76). U konkretnom slučaju,

važne su odredbe člana 16. Zakona o ovjeri potpisa, rukopisa i prepisa kojim je propisano da ovjeravanje potpisa i prepisa isprava potrebnih za regulisanje odnosa po osnovu rada može vršiti ovlašćeno lice u organu odnosno organizaciji u kojoj radnik radi ili je radio, te odredbe tačke 23. Uputstva za izvršenje Zakona o ovjeravanju potpisa, rukopisa i prepisa, kojim je propisano da ovjeravanje potpisa i prepisa isprava koje vrše organi društveno-političkih zajednica i drugi državni organi, organizacije udruženog rada i druge organizacije, u stvarima iz rada i po osnovu rada radnika, vrši se shodno odredbama tog uputstva (stav 1.), a za ovjeravanje u stvarima iz prethodnog stava, ako nije drukčije propisano, ne vodi se upisnik (stav 2.).

Iz navedenih propisa se može zaključiti da su institucije same nadležne da vrše ovjeru potpisa i prepisa – kopija isprava bez obzira ko ih je izdao a potrebne su za ostvarivanje prava iz radnog odnosa državnih službenika, zaposlenika i drugih zaposlenih u institucijama Bosne i Hercegovine. U cilju pomoći institucijama, Agencija će na službenoj internet stranici postaviti primjer izgleda ovjere potpisa i ovjere prepisa – kopije koji se stavlja na dokument, odnosno kopiju.

Dostavljeno:

- naslovu
- arhiva



DIREKTOR

Neven Akšamija

Neven Akšamija